



Broj: 07-11-1238/24

Datum: 29.07.2024. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22) i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za prvođenje predmetne javne nabavke, d o n o s i s e

O D L U K A **o izboru najpovoljnijeg ponuđača**

I

Za najpovoljnijeg ponuđača za javnu nabavku radova: „Regulacija rijeke Ljubine u općini Vogošća dionica od P11 (0+105.95) do P22 (0+261.71) u dužini od cca 156,00 m, lijeva obala korita sa sanacijom klizišta“, po provedenom otvorenom postupku javne nabavke izabran je sljedeći ponuđač:

HARYSCO d.o.o. Sarajevo
sa ukupnom cijenom od 374.000,00 KM

(slovima: tristotinesedamdesetčetirihiljade konvertibilnihmaraka) bez uračunatog PDV-a, odnosno 437.580,00 KM (slovima: četiristotinetridesetsedamhiljadapetstotinaosamdeset konvertibilnihmaraka) sa uračunatim PDV-om i 16,87% popusta.

II

Za izvršenje ove Odluke zadužuje se Služba za investicije i komunalne poslove Općine Vogošća.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 07-11-1238/24 od 24.06.2024. godine.

Procijenjena vrijednost javne nabavke bez uračunatog PDV-a je: 450.000,00 KM (slovima: četiristotinepedesethiljada konvertibilnihmaraka).

Obavještenje o javnoj nabavci broj: 1353-1-3-144-3-105/24 od 28.06.2024. godine, poslano je na objavu na Portal javnih nabavki.

Komisija za provođenje predmetne javne nabavke imenovana je Rješenjem Općinskog načelnika broj: 02-04-2301/24 od 27.12.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 18.07.2024. godine, pristigle ponude slijedećih ponuđača:

Redni broj	Naziv i sjedište ponuđača
1.	GRADNJA 1 d.o.o. Tešanj
2.	ŠPIC BETON d.o.o. Zenica
3.	MEVLUDIN COMMERC d.o.o. Sarajevo
4.	MIBRAL d.o.o. Sarajevo
5.	HARYSCO d.o.o. Sarajevo
6.	TERMO-BETON d.o.o. Breza

Iz Zapisnika o pregledu i ocjeni ponuda Komisije je vidljivo da se Komisija sastala dana 18.07.2024. godine u 17⁰⁰ sati, radi pregleda i ocjene prispjelih ponuda, te je konstatovala da su ponude ponuđača: ŠPIC BETON d.o.o. Zenica, MEVLUDIN COMMERC d.o.o. Sarajevo, MIBRAL d.o.o. Sarajevo, HARYSCO d.o.o. Sarajevo i TERMO-BETON d.o.o. Breza pravilne/prihvatljive, jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji, a da je nepravilna ponuda ponuđača GRADNJA 1 d.o.o. Tešanj, iz razloga što se na Izjavi ponuđača da ima u posjedu odgovarajuće građevinske mašine (mehanizaciju) i opremu za izvođenje predmetnih radova ne nalazi zahtijevani rovokopač-1 komad, kao niti dokazi za isti, a kako je zahtijevano tačkom 7.4. podtačka d), Dokument 6 tenderske dokumentacije.

U skladu sa naprijed navedenim ponuda ponuđača GRADNJA 1 d.o.o. Tešanj se kao takva nije mogla uzeti u dalje razmatranje.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	TERMO-BETON d.o.o. Breza	446.334,24	0%	446.334,24
2.	ŠPIC BETON d.o.o. Zenica	447.913,48	0%	447.913,48
3.	MEVLUDIN COMMERC d.o.o. Sarajevo	449.704,73	0%	449.704,73
4.	MIBRAL d.o.o. Sarajevo	449.756,11	0%	449.756,11
5.	HARYSCO d.o.o. Sarajevo	449.878,37	0%	449.878,37

Ne postoji sumnja u neprirodno nisku cijenu najpovoljnije ponude.

Ponude ponuđača: ŠPIC BETON d.o.o. Zenica, MEVLUDIN COMMERC d.o.o. Sarajevo, MIBRAL d.o.o. Sarajevo, HARYSCO d.o.o. Sarajevo i TERMO-BETON d.o.o. Breza su unesene

u sistem e-nabavki i zakazana je e-aukcija, koja je održana dana 24.06.2024. godine s početkom u 09⁰⁰ sati, i koja je trajala 32 (slovima: tridesetdvije) minute.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač HARYSCO d.o.o. Sarajevo ponudio najnižu cijenu koja iznosi: 374.000,00 KM (slovima: tristotinesedamdesetčetirihiljade konvertibilnihmaraka) bez uračunatog PDV-a i sa popustom od 16,87%.

Rangiranje prihvatljivih ponuda prema kriteriju za izbor ponude (kriterij je najniža cijena), nakon provedene e-aukcije je kako slijedi:

Redni br. na rang listi	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	Procentualno umanjeње cijene nakon provedene e-aukcije
1.	HARYSCO d.o.o. Sarajevo	374.000,00	16,87%
2.	MEVLUDIN COMMERC d.o.o. Sarajevo	375.000,00	16,61%
3.	TERMO-BETON d.o.o. Breza	389.800,00	12,67%
4.	ŠPIC BETON d.o.o. Zenica	398.000,00	11,14%
5.	MIBRAL d.o.o. Sarajevo	425.000,00	5,5%

Komisija za provođenje predmetne javne nabavke jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača HARYSCO d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 374.000,00 KM (slovima: tristotinesedamdesetčetirihiljade konvertibilnihmaraka) bez uračunatog PDV-a, odnosno 437.580,00 KM (slovima: četiristotinetridsesedamhiljadapetstotinaosamdeset konvertibilnihmaraka) sa uračunatim PDV-om i 16,87% popusta te da se ponuđaču HARYSCO d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Po Ovlaštenju Općinskog načelnika
Pomoćnik načelnika
Fetah Kadrić



Izradila: Jasna Salihović

Jasna Salihović

Kontrolisala: Melisa Kršo

Melisa Kršo

DOSTAVITI:

- GRADNJA 1 d.o.o. Tešanj
- ŠPIC BETON d.o.o. Zenica
- MEVLUDIN COMMERC d.o.o. Sarajevo
- MIBRAL d.o.o. Sarajevo
- HARYSCO d.o.o. Sarajevo
- TERMO-BETON d.o.o. Breza
- Nadležnoj Službi
- a/a